



Savjetodavna služba u biljnoj proizvodnji

Biotehnički fakultet - Trg Kralja Nikole bb, 81000 Podgorica

Tel: 020 206 713 Fax: 020 206 712

E-mail: extension-pg@t-com.me

Etiketiranje vina

U skladu sa Zakonom o vinu (Službeni list CG br. 41/2016) označavanje i pakovanje vina vrše proizvođači na osnovu dozvole za stavljanje vina u promet. Oznake na ambalaži i etiketi moraju biti lako uočljive, jasne i čitke.

Na etiketi se navode obavezni i fakultativni podaci.

Obavezni podaci na etiketi su:

1. Naziv vrste proizvoda (vino, likersko vino, pjenušavo vino, biser vino...)
2. Za vina sa zaštićenom oznakom porijekla ili zaštićenom oznakom geografskog porijekla:
 - Izraz „zaštićena oznaka porijekla“ ili „zaštićena oznaka geografskog porijekla“
 - Naziv zaštićene oznake porijekla ili zaštićene oznake geografskog porijekla
3. Stvarna alkoholna jačina u % vol
4. Oznaka porijekla
5. Naziv fizičkog ili pravnog lica koje je izvršilo punjenje
6. Naziv proizvođača za pjenušavo vino, gazirano pjenušavo vino, kvalitetno pjenušavo vino ili kvalitetno aromatično pjenušavo vino.
7. Sadržaj šećera kod pjenušavog vina, gaziranog pjenušavog vina, kvalitetnog pjenušavog vina ili kvalitetnog aromatičnog pjenušavog vina
8. oznaka alergena SO₂
9. oznaka lota ili serijski broj
10. oznaka nominalne zapremine u ml
11. za gazirana vina izraz „dobijeno dodavanjem ugljen dioksida“

Naziv vrste proizvoda može se izostaviti kod vina čije oznake uključuju naziv zaštićene oznake porijekla ili naziv zaštićene oznake geografskog porijekla, kao i izrazi „zaštićena oznaka porijekla“ i „zaštićena oznaka geografskog porijekla“ kada oznaka sadrži tradicionalni izraz.

Fakultativni podaci na etiketi su :

1. godina berbe
2. naziv jedne ili više sorti vinove loze
3. izrazi koji označavaju sadržaj šećera kod drugih vrsta proizvoda od grožđa koji nijesu obuhvaćeni članom 46 stav 1 tačka 7 Zakona o vinu
4. tradicionalni izrazi, za vina sa zaštićenom oznakom porijekla ili zaštićenom oznakom geografskog porijekla
5. izrazi koji se odnose na određene proizvodne metode
6. za vina sa zaštićenom oznakom porijekla ili zaštićenom oznakom geografskog porijekla, naziv drugog geografskog područja, koje je manje ili veće od područja koje je u osnovi oznake porijekla ili oznake geografskog porijekla
7. piktogram za oznaku alergena
8. simbol za zaštićenu oznaku porijekla, zaštićenu geografsku oznaku
9. podaci za proizvode iz organske poljoprivrede
10. priznanje za kvaliteti osvojene nagrade i medalje, samo na pakovanju one količine vina koje je nagrađeno
11. sadržaj neprevrelog šećera u ostalim proizvodima za koje to nije obavezan podatak
12. izrazi koji se odnose na gazdinstvo u označavanju vina sa oznakom porijekla i geografskom oznakom
13. dodatni tradicionalni izrazi u označavanju vina sa oznakom porijekla i geografskom oznakom
14. pojmovi, izrazi i nazivi od opšteg značaja u označavanju vina sa oznakom porijekla i geografskom oznakom



Fakultativni podaci se mogu stavljati a i ne moraju.

Kako bismo pojasnili naprijed navedeno, podsjećamo da **oznaka porijekla** označava naziv regije, određenog mjesta ili u izuzetnim slučajevima, države koja se koristi za opis proizvoda/ vina ako ispunjava sljedeće:

- da su kvalitet i karakteristike proizvoda /vina rezultat uticaja posebnih prirodnih i ljudskih faktora određenog geografskog područja
- da grožđe od kojeg se proizvod tj. vino proizvodi potiče isključivo iz tog geografskog područja
- da se proizvodnja obavlja u utvrđenim granicama tog geografskog područja

- da je proizvedeno od sorti vinove loze koje pripadaju vrsti *Vitis vinifera*

Oznaka geografskog porijekla je oznaka koja se odnosi na regiju, određeno mjesto ili, u izuzetnim slučajevima, državu koja se koristi za opis proizvoda / vina ako ispunjavaju sljedeće zahtjeve:

- imaju specifičan kvalitet ili druga obilježja koja su karakteristična za to geografsko područje
- da najmanje 85% grožđa korišćenog za njegovu proizvodnju potiče isključivo iz tog geografskog područja
- da se proizvodnja obavlja na tom geografskom području
- da su proizvedeni od sorti vinove loze koje pripadaju vrsti *Vitis vinifera* ili su nastale ukrštanjem vrste *Vitis vinifera* i drugih vrsta iz roda *Vitis*



Tradicionalni izraz je izraz koji se tradicionalno koristi za označavanje:

- proizvoda/vina koji ima zaštićenu oznaku porijekla i zaštićenu oznaku geografskog porijekla, ili
- proizvodnje ili metode starenja ili kvaliteta, boje, vrste ili mjesta ili posebnog događaja povezanog sa istorijom proizvoda/vina sa oznakom porijekla ili sa oznakom geografskog porijekla.



